



Canzone presentata alla Piedigrotta «La Canzonetta» del 1958



'A Musichiera

Musica di **Edoardo Alfieri**

1.

Chi è
'sta «Musichiera»?
Chella llà ca mmiezo 'a via
singopata va a passigià.
Che ffà
'sta «Musichiera»?
P' 'a bellezza e ll'armunia,
tutt' 'a strada fa suspirà.
Mamma mia, c'affiatamento:
spalle, fianche e muvimente,
che cuncierto 'e qualità!

Ritornello

Cammina a tempo 'e musica
'sta bella «Musichiera»
ancheggia, molleggia
e 'ntona a cca e a llà.
Cu 'e spalle fa 'o calippeso,
cu 'e fianche 'o cià-cià-cià.
E io saccio che faccio
'a faccia ianca quanno passa 'a cca.
Si bella in «do»,
si bella in «re»,
si bella in «mi».
Comm' 'e note sette vote
tu si bella, l'aggia dì.
Si bella in «fa»,
si bella in «sol»,
in «sol» «la» «si»,
cu 'sta scala musicale
'mparaviso me 'a fa sagli.
Cammina a tempo 'e musica
'sta bella «Musichiera»:
ancheggia, molleggia
e 'ntona a cca e a llà.

2.

Pecchè
'sta «Musichiera»:
nun vvò maie 'na cumpagnia
sempe sola vo' cammenà?
Chi sa,
'sta a «Musichiera»,
ch'è 'a cchiù bella melodia
quà maestro vo' nnammurà?
Io nun songo Toscanini
ma chest'opera 'e Puccini
'a sapesse accumpagnà.